

11 29

## CANTIC

EN HENOR DA VREC'H SANT CAOURINTIN

---

Saludi 'ran var ma daoulin  
Ho prec'h santel, o Caourintin :  
Ra vezo skrivet em ene  
Hoc'h hano hag ho carante.

O va Jesus, guir Vab Doue,  
Cant mil bennoz d'ho majeste,  
Da veza roet da Gemperis  
Eur vrec'h ker crenv en hoc'h llis !

O Sant Caourintin, hor guir dad,  
Me ho salud a galon vad ;  
Lakit ho prec'h var ma c'halon  
Ha scuillit ho pennoz varnon.

Roit, va Escop, me ho suppli,  
Eun amzer gaer d'hoc'h escopti ;  
Roit d'eomp-ni oll eur blavez mad  
D'ho servicha a galon vad.

D'ho ti ez inn, Sant Caourintin,  
D'ho saludi var ma daoulin ;  
D'hoc'h henori, ar Gernevis  
A ielo bep bloaz d'hoc'h ilis.

Gant ho prec'h crenv ha ne dorr ket,  
Mirit ar Pab, hon Tad caret ;  
Mirit ive hon escop mad  
En em offr d'heoc'h a galon vad.

Gant ho prec'h, Pastor benniget,  
Diouallit ato ho tenvet ;  
Beillit var escopti Kerne  
Ha dalc'hit-hen e gras Doue.

Diouallit an oll Gernevis  
Zo guir vugale d'an Ilis ;  
En heur ar maro pa vezinn,  
Ho prec'h nerzuz discouezit d'inn.

Ganthi recevit ma ene  
Ha cassit-hen dirac Doue,  
Cassit-hen d'am Zalver Jesus  
Dre zaouarn he vamm druezuz.

*T. F. Maunoir.*